

摘藻堂四庫全書薈要

集部

欽定四庫全書薈要

集部

御選宋詩卷三十三



詳校官原任主事臣李斯咏

欽定四庫全書薈要卷一萬八千三百三十九

集部

御選宋詩卷三十二

七言古詩八

范成大

過淞江

長虹斗起蛟龍穴
朱碧闌干夜明滅
太湖三萬六千頃
多少清風與明月
青鷁驚飛白鷺閒
丹楓未老黃蘆折
誰將橫笛叫蒼煙
無限驚波翻白雪
洞庭林屋舊遊處

玉柱金庭路巉絕水仙逢迎摻修袂問我歸計何當決
去年匹馬兀春寒今此孤篷窘秋熱人生意氣得失間
輕重劒頭吹一呌莫將塵土浣朱顏却待丹砂回白髮
癸亥日泊舟吳會亭

去年春盤浙江驛湛湛清波動浮石今年春盤吳會亭
冥冥細雨濕高城天邊作客風沙裏今年去年成老矣
客心古井冷無波過眼人情亦如水憶昔三生住翠微
偶來平地著征衣山中故人應大笑扁舟坐穩何當歸

題湯致遠運使所藏隆師四圖

欠伸

春風吹夢驀江飛，行盡江南只片時。
深院無人自驚覺，夕陽芳樹乳鴉啼。
背立妝臺髻鬟懶，鏡鸞應見茸茸眼。
不須回首更嫣然，劉郎已自無腸斷。

倦繡

獨兒弄煖緣堦走，花氣薰人濃似酒。
困來如醉復如愁，不管低鬟釵燕溜。
無端心緒向天涯，想見檣竿旛脚斜。

槐陰忽到簾旌上遲却尋常一線花

倚竹

輕薄人情翻覆手冰容却耐幽居久關中舊事逐春休
付與新人莫回首目送斜陽忘却歸竹風搖曳翠羅衣
君看脈脈無言處中有杜陵飢客詩

嗅梅

雪意勒花愁未解背陰一朵寒先退東風還是去年香
不比人心容易改宿酒曹騰正耐春花枝人面兩時新

相看好作風流伴只恐花枝却妬人

題金牛洞

洞在宣城之成山前此蕪廢無聞自魏公尚書發之常有笙簫仙音之瑞

故鄉江吳多好山
筍輿筏舫相窮年
春風吹入江南陌
疊嶂雙峰如舊識
聞道金牛更孱顏
古來鐵鎖高難攀
自從仙伯弭芝蓋
鳳舞鸞歌開洞天
新詩賸說山中妙
我不曾游先夢到
從渠弱水隔蓬萊
雲山何處無瑤草

嶺上紅梅

霧雨臙脂照松竹
江南春風一枝足
滿城桃李各嫣然

寂寞傾城在空谷城中誰解惜娉婷遊子路傍空復情
花不能言客無語日暮清愁相對生

奉題胡宗偉推官攬秀堂

城外屏峰雲百疊城裏看雲笏拄頰山靈自與人爭秀
明滅煙霏難應接南鄰范叔骨相寒不如騎曹知愛山
晨霞倘可救枵腹丐君分我入朝餐

七月五日夜雨快晴

豐隆坎坎夜伐鼓靈湫老龍撇波舞蹇雲掣電上清空

倒捲天潢作飛雨向來炎官作夏旱萬里彤霞烘玉宇
豈惟牛馬困蚊蟲壟上行人口生土我從雪浪葉舟來
不謂山城熱如許天公知我愁欲病施與一涼蘇逆旅
稍聞水繞屋除鳴不覺星從雲罅吐千山濯濯淨鬢髻
缺月娟娟炯眉嫵浮生此景萬里足但欠清歌對芳醕
天上秋期正多事趣駕星橋跨銀渚人間四者自難并
莫妬黃姑迎織女

送通守趙積中朝議請祠歸天台

城頭千峰青繞屋城下灘流三百曲誰云偏仄復偏仄
尚有高軒肯來辱紅梅花下兩芳春春風惠和如主人
搶攘塵土簿書裏見此縑藉天球溫厚祿故人車結轍
掉頭獨汎清溪月不從世外得超然世間誰肯如公決
生平我亦一沙鷗葦白蘆黃今正秋送公使我歸思動
破煙衝雨憶扁舟明年想見東山起我亦煮茶石橋水
道逢蓑笠把漁竿即是馬曹狂掾史

送詹道子教授奉祠養親

新安學宮天下稀先生孝友真吾師斑衣悞作長裾曳
二年思歸今得歸牋詞上訴人叵挽璽書賜可羣公歎
青山百匝不留人空與諸生遮望眼白雲孤起越南天
向來恨身無羽翰下馬入門懷橘拜身今却在白雲邊
鶴髮鬢鬢堂上坐兒童稱觴婦供果世間此樂幾人同
看我風前孤淚隨一杯送舟下水西我欲贈言無好詞
徑須喚起東廣微為君重補南陔詩

浮丘亭

知郡秘書新作以望黃山有浮丘
容城峯浮丘公容城子之所遊也

黥山鬱律神仙宅三十六峯雷雨隔碧城欄檻偃雙旌
笑挹浮丘為坐客巖扉無鎖晝長開紫雲明滅多樓臺
雲中仙馭參差是肯為使君乘興來西崑巉絕不可至
東望蓬萊愁弱水誰知芳草遍天涯玉京只在珠簾底
他年麟閣上清空却訪舊遊尋赤松我亦從公負丹鼎
來斲砂牀汲湯井

朱砂峯溫泉皆在黃山黥山即黃山也

倪文舉奉常將歸東林出示綺川西溪二賦輒
賦長句為謝且以贈行

綺川亭上凌雲賦人在回仙舊遊處誰教書劍走長安
荻月霜楓等閒度朱門不炙釣竿手萬卷難供折腰具
偶然把箸憶蓴羹乞得閒官徑呼渡江漲橋頭有渡船
船頭歷歷東林路雲煙如畫水如天笑憶紅塵問良苦
我亦吳淞一釣舟蟹舍漂搖幾風雨因君賦裏說江湖
破帽蹇驢明亦去雞犬相聞望可見鷗鷺同盟心亦許
相過得得欸溪門雪夜前村聽鳴榔

古風酬胡元之

拂我膝上琴當客清風襟我琴無軫絃不和願借之子
調其音美人一笑千黃金彈作江岸花木深下有同隊
之游魚上有同聲之鳴禽琴聲一疊一歎息江花江草
無終極

愚溪在零陵城對岸渡江即至溪甚狹一石澗
耳蓋衆山之水流岀湘中

一水彎環羅帶闊千古零陵擅風月取名如許安得愚
因病成妍却奇絕至今鏡淨不可唾猶恐先生遺翰墨

澤及溪流不庇身付與後來商巧拙我欲扁舟窮石澗
春漲未生寒瀨咽紛紅駭綠四山空惟有風篁韻騷屑
清溪東去客西征鈎鈎潭邊聊駐節何時隨汝下瀟湘
歸路三千櫓伊軋

鈎鈎潭熨斗也
潭形似之

湘口夜泊南去零陵十里矣營水來自營道過
零陵下湘水自桂林之海陽至此與營會合為
一江

我從清湘發源來直送湘流入營水故人亭前合江處

暮夜檣竿矗沙尾却從湘口望湘南城郭山川恍難紀
萬壑千巖詩不徧惟有蒼苔痕屐齒三年瘴霧亦奇絕
浮世登臨如此幾湖南山色夾江來無復瑤簪插天起
坡陀狠石蹲清漲澹蕩光風浮白芷騷人魂散若為招
傷心極目春千里我亦江南轉蓬客白鳥愁煙思故壘
遠遊雖好不如歸一聲鶻鴂花如洗

連日風作洞庭不可渡出赤沙湖

金沙堆前風未平赤沙湖邊波不驚客行但逐安穩去

三十六灣漲痕生滄洲寒食春亦到荻芽深碧萋芽青
汨羅水飽動荊渚嶽麓雨來昏洞庭大荒無依飛鳥絕
天地惟有孤舟行慷慨悲歌續楚些彷彿幽瑟迎湘靈
黃昏慘淡艤極浦雖有漁舍無人聲冬湖落灑此暫住
春潦怒長隨傭耕吾生一葉寄萬木况復搖落浮滄溟
漁蠻尚自有常處羈宦方汝尤飄零

浯溪道中

江流去不定山石來無窮步步有勝處水清石玲瓏安

得扁舟繫絕壁卧聽漁童吹短笛弄水看山到月明過
盡行人不相識

將至公安

前村後村啼杜宇伴人憂煎與人語雲寒日薄春一夢
地闊天低淚如雨我馬虺隤我僕痛豈不懷歸畏簡書
公安縣前酒可沽不如且聽提胡盧

八場平聞猿

清猿泠泠鳴玉簫三聲兩聲高樹梢子母聯拳傳枝去

忽作哀厲長鳴號天寒林深山石惡行人舉頭淚雙閣
雪澗琴心未足悲須寫峽中腸斷時

琴曲有雪澗聞猿

大丁隘

峽行五程無聚落馬頭今日逢耕鑿麥苗疎瘦豆苗稀
椒葉尖新柘葉薄家家婦女布纏頭背負小兒領垂瘤
山深生理却不乏人有銀釵一雙插

玉華樓夜醮

青城觀殿前大樓制作瑰麗初夜有火炬出殿後峯上羽衣云數年

前曾一現已而如有風吹滅之比同行諸官至則無見矣予默禱云此燈果為我來者當

再明使衆共觀
之語訖復現

丈人峰前山四周中有五城十二樓玉華仙宮居上頭
紫雲瀕洞千柱浮剛風八面寒飈颺靈君宴坐三千秋
躋符飛行戲玄洲下睨濁世悲蜉蝣桂旗偃蹇澹少休
知我萬里遙相投暗蛸奏樂鏘鳴球浮黎空歌清夜道
參旗如虹歛下流化為神燈燭巖幽火鈴洞赤凌空旂
誰歟蔽虧黯然收禱之復然為我留半生縛塵鷹在韝
豈有骨相肩浮丘山英發光洗羈愁行迷未遠夫何尤

笙簫上雲神欲遊揖我從之驂素虬

慈姥巖與送客酌別風雨大至涼甚諸賢用中
巖韻各賦餞行詩紛然擘牋清飲終日雖無絲
竹管絃而情味有餘

山靈知我厭塵土喚起蟄雷鏖午暑松風無力雨絲長
散作毵毵雪塵舞巖前懸溜珠簾傾安得吹來添玉觥
詩成酒盡腸亦斷休喚佳人唱渭城

萬景樓

在漢嘉城中山上登覽勝絕殆冠西州
予令畫工作圖以歸山谷來遊時但有

安樂園未
有此樓也

左披九頂雲右送大峨月殘山剩水不知數一一當樓
供勝絕玻瓈濯錦遙相通指麾大渡來朝宗川靈胥命
各東去我亦順流呼短篷詩無傑語慚風物賴有丹青
傳小筆仍添詩客倚闌看令與山川相映發龍彎歸路
繞烏尤棟雲簾雨邀人留若為喚得涪翁起題作西南
第一樓

扇子峽

西岸山尤奇殆過巫
峽蝦蟆碚在南岸

茲行看山真飽諳
今晨出峽仍窮探
南磯北磯白鐵壁
千峰萬峰蒼玉簪
橫前直疑江已斷
崛起競與天相攬
蜀山欲窮此盤礴
禹力且盡猶鐫剗
望舒宮中金背蟾
泥塗脫盡餘老饞
下飲岷江不知去
流涎落吻如排髯
挈餅犧棹斟清甘
未暇煮茗和薑鹽
聊將滌硯濡我筆
恍惚詩律高巉巖

頃乾道辛卯歲三月望夜與周子克內翰汎舟
石湖淞江之間夜艾歸宿農圃距今淳熙己亥

九年矣余先得歸田復以是夕汎湖有懷昔遊
賦詩紀事

石湖花月浮春空憶共仙人同短篷三更半醉吹笛去
櫂入濕銀天鏡中鶴鳴喚歸斗未沒却步扶疎花底月
不知行到碧桃邊但見天風吹積雪月圓月缺今幾回
依舊滿湖金碧堆仙人還上玉堂宿舍有片時清夢來
一笑流光飛電抹嫦娥相對兩愁絕桂枝應亦老無花
蟾兔不須疑鶴髮

陸游

夜宿陽山磯將曉大雨北風甚勁俄頃行三百里遂抵雁翅浦

五更顛風吹急雨倒海翻江洗殘暑白浪如山潑入船
家人驚怖篙師舞此行十日苦滯留我亦蘆叢厭鳴舫
書生快意輕性命十丈蒲帆百夫舉星馳電騫三百里
坡隴聯翩雜平楚船頭風浪聲愈厲助以長笛撾鼉鼓
豈惟流漲震山嶽直恐瀕洞連后土起看草木盡南靡

水鳥號鳴集洲渚稽首龍公謝風伯區區未禱煩神許
應知老去負壯心戲遣窮途出豪語

雨霽出遊書事

十日苦雨一日晴拂拭拄杖西村行清溝泠泠流水細
好風習習吹衣輕四鄰蛙聲已閣閣兩岸柳色爭青青
辛夷先開半委地海棠獨立方傾城春工遇物初不擇
亦秀燕麥開蕪菁薺花如雪又爛漫百草紅紫那知名
小魚誰取置道側細柳穿顰危將烹欣然買放寄吾意

草萊無地蘇疲氓

寄調楊齊伯少卿

楊卿人材金百鍊岐公座上初識面十年萬事不須說
猶喜歸來且強健題詩想見初削瓜寄到茆堂已歸燕
辭嚴意密敢輕讀呼兒炷燈重把卷即今相望幾千里
何日蟬聯語忘倦就令有使即寄書豈如無事長相見

夜聞松聲有感

清晨放船落星石大風吹颿如箭激回頭已失廬山雲

却上吳城觀落日夜深龍歸擘祠門入木數寸留爪痕
明朝就視心尚慄腥風卷地雷霆奔歸船買酒持自慰
性命平生驚屢戲固知神怒有定時波紋感作魚鱗細
如今衰病卧林垞霜覆茆簷月滿庭松聲驚破三更夢
猶作當時風浪聽

丙戌七月自京口移官豫章冒風濤
自星子解舟半日至吳城山小龍廟

醉歌

老夫檣竿插蒼石水落岸沙痕數尺江南秋盡木搖落
槲葉離離楓葉赤楚人自古多悲傷道傍行歌猶感激

野花碧紫亦滿把澗果青紅正堪摘客中得酒薄亦好
江頭爛醉真不惜千古興亡在目前鬱鬱關河含暝色
飢鴻垂翅掠舟過此意與我同悽惻三撫闌干恨未平
月明正照顏烏幘

滄灘

百夫正謹助鳴艣舟中對面不得語須臾人散寂無譁
惟聞百丈轉兩車嘔嘔啞啞車轉急舟人已在沙際立
霧斂蘆村落照紅雨餘漁舍炊煙濕故鄉回首已千山

上峽初經第一灘少年亦慕官遊樂投老方知行路難

岳池農家

春深農家耕未足原頭叱叱兩黃犢泥融無塊水初渾
雨細有痕秧正綠綠秧分時風日美時平未有差科起
買花西舍喜成婚持酒東鄰賀生子誰言農家不入時
小姑畫得城中睂一雙素手無人識空村相喚看縑絲
農家農家樂復樂不比朝市爭奪惡官遊所得真幾何
我已三年廢東作

遊錦屏山謁少陵祠堂

城中飛閣連危亭處處軒窗臨錦屏
涉江親到錦屏上却望城郭如丹青
虛堂奉祠子杜子睂宇高寒照江水
古來磨滅知幾人此老至今元不死
山川寂寞客子迷草木搖落壯士悲
文章垂世自一事忠義凜凜令人思
夜歸沙頭雨如注北風吹船橫半渡
亦知此老慣未平萬竅爭號泄悲怒

東津

歲暮涪江水歸壑白沙渺然石犂确蜀天常燠少雪霜
綠樹青林不搖落闌干詰曲臨官道煙靄參差望城郭
打魚斫膾修故事豪竹哀絲奉歡樂樂莫樂於新相知
美人一笑回春姿四方本是丈夫事安用一生無別離
九月十六日夜夢駐軍河外遣使招降諸城覺
而有作

殺氣昏昏橫塞上東並黃河開玉帳晝飛羽檄下列城
夜脫貂裘撫降將將軍櫪上汗血馬猛士腰間虎文韞

階前白刃明如霜門外長戟森相向朔風卷地吹急雪
轉盼玉花深一丈誰言鐵衣冷徹骨感義懷恩如挾纊
廻蟠窟穴一洗空太行北嶽元無恙更呼斗酒作長歌
要遣天山健兒唱

嘉州守宅舊無後圃因農事之隙為種花築亭
觀甫成而歸戲作長句

吾州山水西州冠正欠雄樓並傑觀奇峰秀嶺待彈壓
明月清風須判斷三我舊不到郡齋創為詩人供几案

煙雲舒卷水墨圖草木青紅錦繡段一時冠蓋共登臨
百年父老俱驚惋縈回舞袖試弓彎宛轉歌聲學珠貫
佳人蜂蝶爭繞鬢上客龍蛇看揮翰寓公雖作一月留
梅發東湖歸思亂兒戲聊成此段奇陳迹應留後人歎
明朝艇子沂平羌却伴謫仙遊汗漫

十月十九日與客飲忽記去年此時自錦屏歸
山南道中小獵今又將去此矣

去年縱獵韓壇側玉鞭自探南山雪今年痛飲蜀江邊

金杯却吸我睂月竹枝歌舞新教成淒怨傳得三巴聲
城頭築觀出雲雨我睂正與闌干平酒酣詩就擲杯去
醉蹋玻璃江上路懸知幽磴斷橋邊已有梅花開半樹

苦筍

藜藿盤中忽眼明駢頭脫襖白玉嬰極知耿介種性別
苦節乃與生俱生我見魏徵殊媚嫵約束兒童勿多取
人才自古要養成放使干霄戰風雨

雨聲

暑氣滿天地薄暮加煩促清風吹急雨集我北窗竹竹
聲蕭蕭固自奇況得雨聲相發揮令人忽憶雲門寺半
夜長松隨雪時

同何元立賞荷花追懷鏡湖舊遊

少壯欺酒氣吐虹一笑未了千觴空涼堂下簾人似玉
月色泠泠透湘竹三更畫船穿藕花花為四壁船為家
不須更踏花底藕但嗅花香已無酒花深不見畫船行
天風空吹白紵聲雙槳歸來弄湖水往往湖邊人已起

即今憔悴不堪論
賴有何郎共此尊
紅綠疎疎君勿歎
漢嘉去歲無荷看

怡齋

東湖仲夏草樹荒
屋古無人亭午涼
萱房微呀不見日
筍籜自解時吹香
野藤蟠屈入窗罅
濕菌扶疎生屋梁
跨溝數椽最幽翳
漲水及檻雨敗牆
靜涵青蘋舞藻荇
閒立白鷺浮鴛鴦
芙蓉雖瘦亦瀾漫
照眼翠蓋遮紅妝
水紋珍簟欲卷却
團團素扇嬾復將
天風忽送墀鈴語

喚覺清夢遊瀟湘

觀小孤山圖

江平風不生鏡面渺千里軻我萬斛舟遠望一點耳大
孤江中央四面峭插水小孤特奇麗丹翠凌雲起重樓
邃殿神之家帳中美人粲如花遊人徙倚闌干處俊鶻
橫江東北去

睢州郡燕大醉中間道馳出城宿石佛院

玻璃春作江水清紫玉簫如雛鳳鳴漏聲不聞看爇燭

俠氣未減欺飛觥單車萬里信有數二年三過寧忘情

釵頭玉茗妙天下

生上見白山
茶格韻高絕

瓊花一樹真虛名酒酣

忽作檀公策間道絕出東關城清歌未斷去已遠回首
樓堞空崢嶸貂裘狐帽醉走馬陌上應有行人驚徑投
野寺睡正美魚鼓忽報江天明

初到榮州

亂山缺處城樓呀雙旗蕭蕭晚吹笳煙深綠桂臨絕壑
霜落淺瀨鳴寒沙廢臺已無隱士嘯遺宅尚有高人家

鈴齋下榻約僧話松陰枕石放吏衙杯羹最珍慈竹筍
餅水自養山薑花地爐堆獸熾石炭瓦鼎號蚓煎秋茶
少年遠遊無百里一飢能使行天涯豈惟慣見蓬婆雪
直恐遂汎星河槎故巢肯作兒女戀異境會向鄉閭誇
一杯徑醉幘自隨燈下髮影看鬢髩

齋中夜坐有感

荒山為城溪作壕風鼓巨木聲翻濤鴟梟築屋彈不去
狐狸欺人怒豎毛雨來紅鶴更可惡爭巢一似嬰兒號

城孤屋老草木茂正坐人少此輩豪急呼伍伯具菴錘
欲掀窟穴窮腥臊忽然語罷却自笑殘年何至與汝麤
浣花江色綠如黛春波濫濫浮輕舫行當繫纜柳陰下
仰聽鶯語傾香醪

春感

少時狂走西復東銀鞍駿馬馳如風眼看春去不復惜
只道歲月來無窮初遊漢中亦未覺一飲尚可傾千鍾
叉魚狼籍漾水濁獵虎蹴蹋南山空射墉命中萬人看

毬門對植雙旗紅華堂却來弄筆硯新詩醉草誇坐中
劒關南山纔幾日壯氣摧縮成衰翁雪霜蕭颯已滿鬢
蛟龍鬱屈空蟠胸鄰園杏花忽爛漫推枕彊起隨遊蜂
繞看百匝幾歎息吹紅洗綠行怱怱暮年逢春尚有幾
常恐春去尋無踪青錢三百幸可辦且判爛醉酤郫筒

錦亭

天公為我齒頰計遣飫黃甘與丹荔又憐狂眼老更狂
令看廣陵芍藥蜀海棠周行萬里逐所樂天公於我元

不薄貴人不出長安城
寶帶華纓真汝縛樂哉
今從石湖公大度不計
聲丞臯夜宴新亭海棠
底紅雲倒吸玻璃鍾
琵琶絃繁腰鼓急盤龍
舞衫香霧濕春醪凸
燭光搖素月中天花影
立遊人如雲環玉帳
詩未落紙先傳唱此
邦句律方一新鳳閣
舍人今有樣

對酒

閒愁如飛雪入酒即
消融花好如故人一
笑杯自空流鶯有情
亦念我柳邊盡日啼
春風長安不到十四
載酒

徒往往成衰翁九環寶帶光照地不如留君雙頰紅

晚過五門

五門路四月乳鴉啼綠樹間遊但喜日初長薄暑始知
春已去樓頭風高舞雙旗畫角聲中日還暮馬蹄特特
無斷時去盡行人路如故

偶過浣花感舊遊戲作

憶昔初為錦城客醉騎駿馬桃花色玉人攜手上江樓
一笑鉤簾賞微雪寶釵換酒忽徑去三日樓中香未滅

市人不識呼酒仙異事驚傳一城說至今西壁餘小草
過眼年光如電掣正月錦江春水生花枝缺處小舟橫
閒倚胡牀吹玉笛東風十里斷腸聲

豐橋旅舍作

我本山林人心期在塵表出門消底物兩屨萬事了羣
兒何足愠為爾常悄悄今朝山中路更喜相識少三义
市人醉爭席豐橋逆旅留饋食小婦梳髻高一尺梭聲
札札當戶織

芳華樓賞梅

素娥竊藥不奔月化作江梅寄幽絕
天宮丹粉不敢施
雪洗風吹見真色出籬藏塢香細細
臨水隔煙情脈脈
一春花信二十四縱有此香無此格
放翁年來百事情
惟見梅花愁欲破金壺列置春滿屋
寶髻斜簪光照坐
百榼淋漓玉笋飛萬人辟易銀鞍過
不惟豪橫壓清臞
聊為詩人洗寒餓

過笮橋道中龍祠小留

江邊龍廟何年作白浪花中插朱閣朝暾漸上宿霧收
春氣已動晨霜薄我來倚欄一悵然蘆花滿空如柳綿
安得身為雙白鷺飛上灘頭却飛去

二月十六日賞海棠

常年春半花事竟今年春半花始盛衰翁不減少年狂
走馬直與飛蝶競妍華有露洗愈明纖弱無風搖不定
莫放飄零作紅雨剝看倩笑臨妝鏡溪梅枯槁隨巖谷
山杏輕浮真妾媵欲誇絕豔不勝說縱欠濃香何足病

華燈銀燭搖花光翠杓金船豪酒興夜闌感事獨淒然
繁枝空折誰堪贈

通濟口

朝發嘉魚縣晚泊通濟口睡起喜微涼船窗一杯酒長
魚吹浪聲恐人巨鼃露背浮齋淪今夕風生月復暗寄
語舟人更添纜

懷成都十韻

放翁五十猶豪縱錦城一覺繁華夢竹葉春醪碧玉壺

桃花駿馬青絲鞵鬪雞南市各分明射雉西郊常命中
壯士臂立綠條鷹佳人袍畫金泥鳳椽燭那知夜漏殘
銀貂不管晨霜重一梢紅破海棠回數蕊香新早梅動
酒徒詩社朝暮忙日月怱怱迭賓送浮世堪驚老已成
虛名自笑今何用歸來山舍萬事空卧聽糟牀酒鳴瓮
北窗風雨耿青燈舊遊欲說無人共

憶唐安

南鄭戍還初過蜀朝衫與髡猶爭綠逢春飲酒似長鯨

醉裏千篇風雨速康安池館夜宴頻潄潄玉船搖畫燭
紅索琵琶金縷花百六十絃彈法曲曲終却看舞霓裳
娟娟宮腰細如束明朝解醒不用酒起尋百畝東湖竹
歸吳寂寞時自笑縱有詩情誰省錄今年二頃似可謀
去斲雲根結茅屋

乍晴風日已和汎舟至扶桑埭徘徊西村久之
十日風雨今日晴衰病忽減思間行接籬一幅煙霧薄
舴艋八尺鳬鷺輕亭亭孤塢遠天碧曲曲深巷斜陽明

數家茅屋門晝掩不聞人聲聞碓聲身似龐公不入城
東阡南陌餞餘生新年倘有豐年喜買酒漁村看太平
八月十四日夜湖山觀月

長空露洗玻璃碧紫金之盤徑三尺忽看擘地出人間
桂樹扶疎如淡墨攬衣獨立鏡湖邊風露萬頃秋渺然
開帆詎必入東海騎鯨便可追飛仙冰壺玉瀝侵骨冷
醉看孤鸞舞清影夜闌歸舍人已眠却倩天風為吹醒

題少陵畫圖像

長安落葉紛可埽九陌北風吹馬倒杜公四十不成名
袖裏空餘三賦草車聲馬聲喧客枕三百青銅市樓飲
杯殘炙冷正悲辛仗內鬪雞催賜錦

月中過蜻蜓浦

天光水色合為一舟出西城猶落日一規忽見寒壁升
萬頃坐歎溶銀溢哀哀姑惡訴何苦熠熠螢火光自失
葦低時見小艇過水響遙知大魚出銅壺玉酒我徑醉
短髮垂肩蓬不櫛緩篙遡月勿遽行坐待湘妃鼓瑤瑟

雨晴遊香山

雨打酴醾夜未拆一晴柳岸先飄雪
我搖畫楫鏡湖中
碧水青天兩奇絕長歌縹緲雲不動
橫笛清悲竹將裂
悠然起舞影零亂卓爾四顧心激烈
好山可隱輕捨去
故人已貴長乖隔肺渴生塵防酒興
眼暈成花作書厄
平生所期無一遂獨有曠快相除折
夜歸燈火鬧湖邊
淡淡西邊一鉤月

秋懷

少時本願守墳墓讀書射獵畢此生斷蓬遇風不自覺
偶入戎幙從西征朝看十萬閱武罷暮馳三百巡邊行
馬蹏度隴電聲急士甲照日波光明興懷徒寄廣武歎
薄福不挂雲臺名頷鬚白盡愈落莫始讀法律親笞榜
訟氓滿庭鬧如市吏牘圍坐高于城未嫌樵唱作野哭
最怕甜酒傾稀餠平生養氣頗自許雖老尚可吞司并
何時擁馬橫戈去聊為君王護北平

贈竹十韻

放翁小築湖西偏
虛窗曲檻無炎天
人間乃有真富貴
繞舍十萬碧玉椽
連林娟娟泣清露
高枝裊裊搖蒼煙
常憂俗客觸新粉
屢戒園丁傷逸鞭
涼生尊竿消午醉
聲撼窗扉驚晝眠
春殘斲土得美茁
氣壓卿相食萬錢
邇來作吏若隋甯
每一夢到心悽然
還家再見却惆悵
塵土何地從臞仙
囊中幸藏餐玉法
欲屏萬事相周旋
更當待月出東可
坐石泠泠揮響泉

夜歸磚街巷書事

近坊燈火如晝明十里東風吹市聲遠坊寂寂門盡閉
只有煙月無人行誰家小樓欲惱儂餘響縹緲縈簾櫳
苦心自古乏真賞此恨略與吾曹同歸來空齋卧淒冷
燈前病骨嶢嶢影獨吟古調遣誰聽聊與梅花分夜永

探梅

我遊東村衝暮煙斷橋流水鳴濺濺欲尋梅花作一笑
數枝忽到拄杖邊高標元合著山澤絕豔豈復施丹鉛
定知曾授餐玉法不爾恐是凌波仙錦江賦詩忽萬里

蓬山把酒今三年相逢風味宛如昨人生何者非前緣
頗思取醉極清賞杖頭幸有百許錢但判插破烏紗帽
莫記吹落黃金船

夜聞湖中漁歌

夢回一燈翳復明卧聞湖上漁歌聲嗚嗚乍低忽更起
娟娟欲斷還微縈初隨缺月隨煙浦已和殘角吹江城
悲傷似擊漸離筑忠憤如撫桓伊箏放臣萬里憂國淚
戍客白首懷鄉情峽猿失侶方獨宿沙雁垂翅猶遐征

已巫竹枝短亭晚瀟湘款乃孤舟橫世間此恨故相似
使我百感何由平

追和王履道韻

小江之上千峰立潮回艇子爭來集飄風忽起白浪高
急雨橫吹綠蓑濕歲豐斗酒纔百錢茆店無人驚醉眠
醒來徑入亂雲去異日出看東封年

秋樹

秋風一夜吹橋樹明日來看已非故吳中九月霜尚薄

落葉半隨飛鳥去老人心事感彫零只欲逢秋醉不醒
范寬用意真難解偏寫丹楓作畫屏

游昭牛圖

游昭木石師李唐畫牛乃自具所長出欄初聽一聲笛
意氣已無千頃荒客居京口老益困衣不揜脰鬚眉蒼
時時弄筆眼力健蹠角毛骨分毫芒我無沙隄金絡馬
拂拭此幅喜欲狂乞骸幸蒙優詔許置身忽在煙林傍
日落飲牛水滿塘夜半飯牛天雨霜俚醫灌藥美水草

老巫訶禁祓不祥願我子孫勤農桑願汝生犢筋脈強
碓聲驚破五更夢歲負玉粒輸官倉

題望海亭在卧龍絕頂

瑞龍千丈何蜿蜒蒼鱗翠鬣翔江邊路逢鏡湖乃下駐
翫珠不去知何年七州元帥擁畫戟全家終日樓居仙
霜筍一曲入銀漢碧瓦萬疊浮嵐煙其間望海最傑觀
疎豁坐占蓬萊先風雲變化几席上蛟鼉出沒闌干前
手捫心房倚北斗眼中萬象俱森然尚書喚客共領略

遠方十里聞管絃從容賦詩出妙思超絕欲拍微之肩
坐中有客垂九十追逐無路空自憐夜闌客散公歸院
笙歌隱隱在半天向來老客今何處菱唱三更起釣船

楊萬里

泊泠水浦

前日放船湘口步約到衡州來日午五程一減作三程
謝渠江漲半篙清今日雨來三四五又閉疎篷聽暮雨
長年商量泊舟所雨外青山更青處

題太和主簿趙昌父思隱堂

西昌主簿如禪僧日餐秋菊嚼春冰西昌府舍如佛屋
一物也無惟有竹俸錢三月不曾支竹陰過午未晨炊
大兒叫怒小兒啼乃翁對竹方哦詩詩人與竹一樣瘦
詩句與竹一樣秀故山蒼玉搖綠雲月梢風葉最關身
勸渠未要思舊隱且與西昌作好春

曉泊蘭溪

金華山高九天半夜雪裝成珠玉案蘭溪水清千頃強

朔風凍作琉璃缸日光雪光兩相射病眼看來忘南北
恨身不如波上鷗脚指為楫身為舟恨身不如沙上雁
蘆花作家梅作伴折綿冰酒未是寒曉寒真欲冰我肝
急閉簾篷擁爐去竹葉梨花十分注

上巳日予與沈虞卿尤延之莫仲謙招陸務觀
沈子壽小集張氏北園賞海棠務觀持酒酌花
予走筆賦長句

東風吹我入錦幄海棠點注燕脂薄不論風雨便宜晴

莫愁傾國與傾城半濃半淡晚明滅欲開未開最奇絕
只銷一線日脚紅頃刻千株開絳雪偉哉詩人桑苧翁
持杯酌酒澆豔叢坐看玉頰添醉暈為渠一醉何須問
題徐載叔雙桂樓

遙憐天上桂花孤月中何不種兩株唐人此句真絕唱
後來詩人半語無向來何夕秋風起吹脫廣寒雙桂子
落向君家樓閣前種玉開花今幾年清宵雙影寫窗戶
却嫌月裏成三樹年年八月九月時黃金粟綴青瑤枝

秋風吹香入月去風回却帶天香歸容齋仙人為作碑
誠齋老人為作詩金墓玉兔已傳誦莫問姮娥知不知
贈都下寫真葉德明

我昔山林人不識或疑謫仙或狂客仰看青天不看人
醉裏那知眼青白一攜破硯入長安素衣成緇綠鬢斑
上林麒麟著野馬滄洲鷗鷺綴孔鸞漢宮威儀既不入
貴人樣灞橋風雪又不見詩人相不須攬鏡照清溪我
亦自憎塵俗狀葉君著眼秋月明葉君下筆秋風生市

人請畫即唾罵只寫龍章鳳姿公與卿肯來為予寫衰
貌擲筆掉頭欣入妙相逢可惜遲十年不見詩翁昔年
少

林京兆寄贈五言以長句謝之

華亭沈虞卿惠山尤延之每見無雜語只說林景思試
問景思有何好佳句驚人人絕倒句句飛從月外來可
羞王公薦穹昊若人乘雲駕天風秋衣剪菊裁芙蓉暮
宿銀漢朝蓬宮我欲從之東海東西湖柳色二三月相

逢一笑冠纓絕醉呼和靖叫東坡一吸西湖湖水竭我
醉自眠君自顛路人往往指作仙此輩何曾識此樂識
與不識俱可憐別時花開今已落思君令人瘦如鶴夢
裏隨君攜酒瓢同登天台渡石橋瀑泉界天瀉雲窟長
松拔地攬煙霄與君聯句章未了帝城鐘動西峰曉海
風吹動珊瑚枝乃是先生寄我詩火雲燒江江水沸君
詩清涼過於水定知來自雪巢底恍然坐我天台寺

題寄廬山楞伽寺三賢堂呈南康太守曾致客

山房牙籤三萬軸六丁下取歸羣玉空餘坡老枯木枝
雪骨霜筋插雲屋楞伽老僧懷兩言作堂要與祠千年
只供清風薦明月不用秋菊兼寒泉江西社裏曾常伯
李家玉潤蘇家客併遣巫陽招取來分坐廬山泉上石
丞相周公招王才臣中秋賞梅花

素娥大作中秋節一夜廣寒桂花發天風吹墮綠野堂
夜半瑤堦丈深雪梅仙不知天尚秋只驚香雪點搔頭
笑隨玉妃照粉水洗妝同入月中遊晉公賞梅似賞桂

獨招子猷雪前醉明朝有客訴天公不喚香山病居士
題永豐劉伯英雙清亭

銀河一派天上來霜松萬本水際栽公幹作亭占佳處
攔住清風入窗戶醉餘綠綺膝上橫學得松聲與水聲
更待九秋月亭午白玉壺中有新句煩君赤手雙拾取
朱熹

和李伯玉用東坡韻賦梅花

北風日日霾江村歸夢正爾勞營魂忽聞梅蕊臘前破

楚客不愛蘭佩昏尋幽舊識此堂古曳杖偶集僧家園
嵐陰春物未全到邂逅只有南枝溫冷光自照眼色界
雲豔未怯扶桑暎遙知雲臺溪上路玉樹十里藏山門
自憐塵羈不得去坐想佳處知難言但哦君詩慰岑寂
已似共倒花前樽

與諸人用東坡韻共賦梅花適得元履書有懷
其人因復賦此以寄意焉

羅浮山下黃茅村蘇仙去餘詩魂梅花自入三疊曲

至今不受蠻煙昏佳名一旦異凡木絕艷千古高名園
却憐冰質不自暖雖有步障難為溫羞同桃李媚春色
敢與葵藿爭朝暉歸來只有修竹伴寂歷自掩疎籬門
亦知真意還有在未覺浩氣終難言一杯勸汝吾不淺
要汝共保山林罇

丁丑冬在溫陵陪敦宗李丈與一二道人同和
東坡惠州梅花詩皆一再往反昨日見梅追省
前事忽忽五年舊詩不復可記憶再和一篇呈

諸友兄一笑同賦

江梅欲破江南村無人解與招芳魂
朔雲為斷蜂蝶信凍雨一洗煙塵昏
天憐絕豔世無匹故遣寂寞依山園
自欣羌笛娛夜永未要鄒律回春溫
連娟窺水隨殘月的皤泣露晞晨暎
海山清游記玉面衰病此日空柴門
相逢不敢話疇昔能賦豈必皆成言
雕鐫肝腎竟何益況復制酒哦空罇

次張彥輔賞梅韻

朔風萬里開雲屏清霜夜墜朝景晴南枝浩蕩正春色
凍蕊的皪含空明花邊偶對青銅鏡槁項不堪冰雪映
擁爐獨坐只悲吟振策出遊舒遠興暗香何處時一飄
行行復值最長條仰頭欲折渺誰贈滿意相思那得邀
極知異縣淹行李心賞未甘輕付畀石雄賦罷不相聞
秀野書來因舉似兩翁句法爭新奇畫出疎影沉寒漪
幽探自出塵境外勝槩未許兒曹知祇今嚼蕊攀條處
他日重來記前度風臺月觀悄無言玉笛冰灘索同賦

嗟余衰懶倦將迎過眼紛紛無復情尚喜疎英窺水白
更憐落片點苔青興來亂插飛蓬首擬向君家醉君酒
酒酣耳熱莫狂歌布鼓雷門須縮手

題祝生畫

裴侯愛畫老成癖歲晚倦遊家四壁隨身只有萬疊山
秘不示人私自惜俗人教看亦不識我獨摩挲三太息
問君何處得此奇和璧隋珠未易敵答云衢州老祝翁
胸次自有陰陽工峙山融川取世界咳雲唾雨呼雷風

昨來邂逅衢城東定交斗酒歡無窮自言妙處容我識
為我埽此須臾中爾時聞名今識面回首十年齊掣電
裴侯已死我亦衰祇君雖老身猶健眼明骨輕鬚不變
筆下江山轉蔥蒨為君多織機中練更約無事重相見
奉陪機仲宗正景仁太史期會武夷而文叔茂
實二友適自昭武來集相與汎舟九曲周覽巖
壑之勝而還機仲景仁唱酬迭作謂僕亦不可
以無言也衰病懶廢那復有此勉出數語以塞

嘉貺不足為外人道也

此山名自西京傳丹臺紫府天中天似聞雲鶴時降集
應笑磨螳空回旋我來適此秋景晏青楓葉赤搖寒煙
九還七返不易得千巖萬壑渠能專同遊幸有二三子
天畀此段非徒然梁郎季子山澤臞傳伯爰盜瀛洲仙
相逢相得要強附却恨馬腹勞長鞭黃華未知白雪句
畫舸且共清泠川回船罷酒三太息百歲誰復來通泉
景仁數日
屢誦此句
盈虛有數豈終極為君出此窮愁篇

復用前韻敬別機仲

君家道素幾葉傳只今用舍懸諸天屹然砥柱戰河曲
肯似落葉隨風旋奮髯忽作蝟毛磔浩氣勃若霄中煙
隱憂尚喜遺直在壯烈未許前人專武夷連日聽奇語
令我兩腋風泠然初如茫茫出太極稍似冉冉隨羣仙
安能局促夜起舞下與祖逖爭雄鞭終憐屈賢惜往日
亦念孔聖悲徂川願君盡此一杯酒預澆舌本如懸泉
沃心澤物吾有望勒移忍繼鍾山篇

伏蒙秘閣張丈寵顧下邑并以長篇為貺降歎之餘牽勉繼韻仰求斤削僭率惶恐

向來滅迹東山東閉門不問烏雌雄門前有路向塵土
兩足未舉心先慵當時亦有車馬客此意欲說嗟誰同
窮居聊復追仲蔚篤論何必須劉龔平生故人子張子
相思安得長相從每勞書疏問生死坐想星宿羅心胸
幾年持節漢水上木牛流馬旌旗紅君王輟饋思頗牧
外庸且訖來朝宗因能過我紫霄下後乘載得珠簾櫳

蒼顏白髮應笑我，曷不飽卧陶窗風。
開樽鸞池水清激，下馬醺石烟空濛。
須臾路轉山更好，磨天巨刃排雙峰。
少看銀河忽倒挂，直欲跳下清泠中。
南臨匯澤共指點，縹緲貝闕浮珠宮。
公言平日愛登覽，到此一洗羣山空。
坐間為我出奇句，不用遠寄南飛鴻。
上言雲泉足奇賞，下歎契闊歡相逢。
紛吾失脚墮世網，乃有此會寧天窮。
流光過眼驚昨夢，舊約回首羞塵容。
明朝却上煙艇去，滅沒萬頃追鳬翁。

和彭蠡月夜汎舟落星湖

長占煙波弄明月此心久矣從誰說只今一舸漾中流
上下天光兩奇絕回頭忽見西郭門尚喜蘇仙有遺烈
問予何事却回船塵土浣君頭上雪

首句全用蘇養直詩蘇舊居西門外

舟行望
見其處

題霜傑集

先生人物魏晉間題詩便欲傾天慳向來無地識睂宇
今日天遣窺波瀾平生尚有陶彭澤未肯輕為折腰客

胸中合處不作難霜下風姿自竒特小儒閥閱金匱書
不滯周南滯海隅枌榆連陰一見晚何當挽袖凌空虛

御選宋詩卷三十二

欽定四庫全書薈要卷一萬八千三百四十

集部

御選宋詩卷三十三

七言古詩九

呂祖謙

寄章冠之

章侯平生一詩囊
酬風酢月徧四方
浩歌姑熟酒琳琅
醉呼太白同舉觴
遂登浮玉臨渺茫
江濤挾筆益怒張
沙頭倚檣樂未央
興闌忽上秋浦航
門前槐花日夜黃

閉門琢詩聲繞梁白袍紛紛渠自忙飄然邂逅非所望
自言久厭世鎖韁合眼已夢廬山蒼君才甚碩氣方剛
身雖欲隱文則彰江湖故人半朝行左推右挽摩天翔
而我戢翼甘推藏不能與俗相迎將徑當行前掃山房
俟君功成還故鄉却駕柴車迎路傍

張栻

送八兄

彌旬積雨穗生耳冬壑未渠收潦水圍爐情話政爾佳

乃復歸舟行萬里三年百感卧湘城風急鵲鴿原上情
豈無他人意獨真每覺軟語溫如春少年銳氣凌八區
晚以樂義稱鄉閭聞人有急若已如天報兩子雙明珠
小隱卜築蘭溪邊修篁喬木今參天是非榮辱不到處
卷書一榻清晝眠人言壽骨隱修眉慶事鼎鼎供朝頤
豈惟宗族託軌範政倚晚節增光輝有弟有弟復何為
杜門讀書人謂癡故山未遂掃松願江頭獨立送歸時

次韻伯承見簡探梅之什且約人日同遊城東

江湖漫浪歲年晚雖有梅花誰寄遠城中可人獨吳郎
不惜日月共往返東郭枝頭玉雪明下有清淺溪流橫
新春好趣花前約莫待飄零空作惡

李仁父寄茯苓酥賦長句謝之

岷峨山中千歲松枝虬幹直摩青空雪霜剝落中不槁
膏液下與靈泉通龜跼鳬伏自磊砢金堅玉潔仍豐融
篝明夜取喜得雋煮鼎朝聽如吟風杵成坐上看飛雪
更和酪乳收全功當知至味本無味子若服之壽莫窮

巽巖脊梁硬如鐵冠
我切雲佩明月百好都隨春夢空
大藥獨傳鴻寶訣中宵咀嚼不搖頭
玉池生肥嚙不徹
憐我百慮形早衰
裹贈扶持意何切
丹砂著根謾爾傳
脂澤釀黍計已拙
由來妙道初不煩
此法莫從兒輩說
徑思舉袂揖浮丘
下視塵世真一呷
朱顏留得亦何為
追逐同堅歲寒節

王十朋

答季仲宜名誼

我昔從君伯氏游，短素長箋日唱酬。
凌雲健筆驅山立，欲追李杜參曹劉。
子今又復振風流，可人一氣真吾儔。
明珠白璧蒙暗投，自揣無堪但增羞。
君家棠棣才俱優，吾知徐公百不憂。
更能勉力追前修，俯拾青紫何須求。

懷歸預別同舍

長念雙親垂素髮，不奉甘旨今數月。
溪山雖好何如歸，吾心已逐秋雲飛。
欲別良朋重嗚咽，催人啼鳥聲何切。
明日琴書隨我東，何時尊酒重相逢。

遊西岑遇雨

西岑風物秋更嘉杖藜出郭歡無涯
深村有酒隔煙渚共乘小艇穿蘆花
羅衣綽約越溪女茅舍迫窄吳儂家
牀頭新釀喜正熟千金倒甕傾流霞
天公妬我一日樂俄然雨脚來如麻
醉歸扶路泥沒股冠巾不整頭髮髩
人生貴在適意耳安能局縮身如蝸
杖頭有錢即相覓明日更泛仙源槎

林知常惠白酒六尊仍示酒法作十韻謝之

老去生涯付杯酒種秫辛勤三百畝東臯遺法嗟失傳
蜜汁釐漿不通口邇來軟飽經月無豈有清歡對朋友
百錢強就村媪醉終夜蔬腸作雷吼先生祇把文字耕
妙意能施杜康手憐我新愁餘萬斛那更澆腸無五斗
分惠青州六從事祕法兼蒙傳肘後便同北海歌不空
免似東坡歎烏有嗟予偃蹇老更饕感激故人情意厚
會須續遣白衣來籬畔黃花欲重九

九日飲酒會趣堂者十九人老者與焉既醒念

不可以無詩因用贈林知常韻示諸友

我似揚雄貧嗜酒筆作耕犁紙為畝辛勤耕植三十年
往往糟醅罕濡口今年九日甕盎空誰饌先生荷諸友
衰顏迎醉生嫩紅饒腹隨餐失饑吼菊花不上老人頭
酒盞聊傳此時手文字飲韓嘉數子禮法拘髭惟一斗
衰翁興盡輒先歸不待杯盤狼籍後坐客高歌驚四鄰
吾鄉已在無何有明朝黃花亦不惡俗眼無端自踈厚
酒醒聊記坐中人有似平原凡十九

九日會飲予為倡首自和凡數篇皆因事敘情

爾未作重九詩也今再和一篇每句用事而不

見姓名末聯外餘皆略存對偶必有能和之者

獨坐東籬歎無酒種秫西疇謾盈畝菊花叢畔來白衣

桑落杯中付饒口汝南風俗有故事龍山宴集多佳友

靜聞彭澤三徑香遙想藍田雙澗吼順時習射馬嘶風

隨俗登山囊繫手慈恩塔冷舊衣冠戲馬臺空古刁斗

三嗅馨香感槩中細看茱萸醕酹後應制賦詩人孰在

坐湖聯句今還有明朝見花心已別此日登高意宜厚
日月並應節物嘉獨恨今年無閏九

遊圓超院登挾溪亭次盧公天驥韻

路入剡山腰風生玉川液孤亭物外高雙溪眼中碧山
僧作亭知幾春賞音端怕逢詩人自從妙語發丘壑遂
使絕境多蹄輪我來首訪維摩詰閒訊雙溪自何出發
源應與婺溪同賦物慙無沈郎筆凭欄欲洗名利塵入
眼翻驚客恨新山城重重水如帶可能挽住思鄉人

題郭莊路

南山有井名黃花我卜別業臨其涯酌泉漱石思往事
天遺景與名俱嘉東籬採菊隱君子悠然凝望南山賒
茲人高躅已千古三徑無沒堪咨嗟我生本抱丘壑尚
誤涉塵世爭浮蝸十年太學志未遂歸來隴畝躬桑麻
草莊新築亦不惡青山遠近光交加會須移住效杜老
終賦歸去師陶家新涼入郊九日近西風漸欲吹烏紗
龍山風俗有故事撩我清興凌煙霞

題壽樂堂用東坡韻贈楊元賓僉判

蓬萊閣下蒼龍古萬壑千巖擁仙府壽樂堂西面卧龍
壑月巖風滿窗戶蒼松涵雨大十圍綠水浮荷深一股
作堂主人久黃埃仁智風猶似鄒魯詩仙騎龍已上天
妙句光芒照寰宇青山偃蹇只如昔高處去天無尺五
楊侯淮泗老儒學文字撐腸筆風雨竭來贊幕古東州
要與青山作盟主虛堂晏坐飽風月此外一毫端不取
他日從公物外遊貝闕珠宮酌瓊乳

七月三日至鄱陽

我來鄱君山水州山水入眼常遲留絕境遙通雲錦洞
清音下瞰琵琶洲干越亭前晚風起湖入鄱陽三百里
曉來一雨洗新秋身在江東畫圖裏

甘露堂前有杏花一枝在修竹之外殊有風味
用昌黎韻

桃李未吐梅英空杏花嫣然作小紅孤城絕塞也不惡
一株綽有仙家風高枝半出修竹外醉臉略與江梅同

夔州花木不多有封植嘉樹知誰功春光忽到刺史宅
天氣正在中和中不同浪藥落瘴霧自有甘露滋芳叢
我來歲律驚兩換歸興遙指吳江楓曲江往事何足夢
願為老圃安吾窮明年花開我何處小園數畝蕭臺東
蒼蒼煙雨記巫峽酣酣詩句吟梅翁

郡圃無海棠買數根植之

少陵詩史有遺闕海棠名花輒湮沒孤芳千載逢蘇仙
竹籬一笑嫣然發我從蜀錦亭邊來

范文正公守鄱陽種海棠于郡圃名

曰蜀錦

遙入蒼蒼煙雨窟
綺霞曉抹神女肌
香醪春醉明

妃骨鮮鮮絲藥垂
更嬾點點燕脂勻
未歇半含半吐不
勝情沐露梳風睡
明月為開酒樽苦
多病欲插一枝羞
白髮照眼千株未
觀蜀回首十年深
憶越何人好事呼
名友姚魏不容矜
閤閱凝香有地胡
不植負郭無園何
處謁不煩飛鵲銜
子來自買芳根帶
花掘明年高堂來
燕子想見繁紅映
林樾栽花老守在
何許雁蕩山中采
薇蕨憑誰為問花
消息有夢遙驚山
突兀自慙不是召

伯崇那得詩人歌勿伐

望石首山

巴夔之山厭太多荆江其奈無山何舟中遙遙望石首
一點亦足供吟哦艤舟亦向劉郎泐應是劉郎招我宿
劉郎如問舊江山永安宮草年年綠

是夜宿劉郎泐地
以劉玄德得名

重修北樓十一月望日與羣僚同登因書十二

韻

我昔未作南諸侯雄文嘗閱龍虎歐泉山風物得大畧

夢寐先已登茲樓到官正要訪遺跡忽見破屋城牆陬
欲修不敢遽土木經歲此志方能酬貢闈之餘材可辦
農事之隙工乃鳩月逢建子飛破鏡酒呼從事來青州
忽忽未暇衆賓集草草且與同僚遊山川城郭壯哉郡
清源紫帽明雙眸却驚雲榭在地底坐見日轂經簷頭
西山端可拄頰視南海未用乘桴浮東瞻歸路興元亮
北望魏闕心子牟揮毫欲續仲宣賦假日聊以銷吾憂

諸公和詩復用前韻

歌眠聽詩韓喜侯鋒難與爭
劍鑄歐鈴齋淺陋無處著
掛在縹緲之飛樓茲樓久欠詩
酒味天遣我輩來遐陬
塵埃聊用文字洗瓦礫
遂獲瓊瑤酬賓朋未賞合開宴
老病欲登宜杖鳩清風酌別記
雲水制勝領客思夔州
一江明月楚東醉全家終日蓬萊遊
南來不謂有此境
四顧亦足窮我眸
朝看日出閩海嶠
夜望斗插泉山頭
端如號郡風月送
不比巴岳乾坤浮
登臨懷古甫白適
賦詠聯珠產輦牟
私心竊慕范文正
後天下樂先其憂

王炎

題遠山平林圖

山色微茫疑有無木葉半脫殊蕭疎雲根更著數椽屋
此屋當有幽人居墨妙逼真乃如此畢竟非真惟近似
何如屐齒飽經行是處溪山皆畫笥還君圖畫吾且歸
家在江南依翠微

陳造

百花樓

樓中香飄百和濃樓下錦纈翻東風玉樽美酒清若空
吳姬妝面相映紅人生一笑不易得是間一醉千金直
元龍百尺君勿論芳時且可金杯側

招鄭良左

向來聞名思見面常恨東西異鄉縣即今去我一葦杭
亦復經年不相見重陽佳辰可虛辱橙香蟹肥家釀熟
相過一醉猶待速為君已約東籬菊

謝韓幹送絲糕

玉顆瑩澈珠就磋吳鄉早杭計莫過無乃風露秀結異
移種崑崙之木禾君家厨婦窮百技三春九浙付重羅
銀絲萬尋忽縈積中踈外潔生搓按扶桑仙蠶大如盎
縹之本供織女梭恍驚萬喙鬪新巧冒作冰茸雪網窠
即今擬形供食事纖手幻出千綯多倒甌入筯第三絕
色香兼味皆可歌周官賓祭珍饗餌有此便具理則那
詩翁物色及粗糲得此來前當見訶鱸盤謾詫金縷飮
湯餅徒夸銀線窩瓊酥玉膩信非匹胡麻崖蜜仍相和

感君泛愛記衰朽回首一笑分餘波腐儒口實長作累
饒鐘之名定不磨金山別去每掛夢老眼復見還雙摩
娑酣得飽問便腹如汝平生相負何更從公子乞方法
日當飫之老澗適買田二頃不種秫未怕酒客來操戈
糕不用糯金山者名天下

琵琶亭

抱愁莫遣朱絃鳴此聲更與愁人聽江邊一聞琵琶語
月慘風淒如動情何況思婦傷幽獨少年多藝顏如玉

江州司馬廟廊人暮上諫書朝放逐輕攏細撚忍淚彈
開樽側耳思惘然一時說盡兩心事遺音番入歌舞筵
此翁詩名自千古誦詩亦歎琵琶女誰惜亭前泊舟客
頗為漂零動悽楚鄰家故妓春風手此曲每侑澆愁酒
今宵月影祇三人倚欄長嘯空搔首

次韻徐監獄

落落過眼誰知音故山檜枝森碧林白鷗盟堅不待畝
豈應辟影忘息陰末路功名夢已斷生平丘壑情自深

素琴濁酒盤礴地頗領淵明千載心

湖間波聲環珮音湖上遊子紛如林坐窗日夢舊遊處
屯雲重霧專積陰淒風剝香梅塢滑輕煙暝翠松行深
畫船載酒年少事老不耐閒猶此心

林夢英

筆架山

謂天高高由積氣謂山高高由積翠山中雲霧皆寶衣
天上星辰有奇字相傳筆架幾千年此是仙樓三十二

落霞孤鶩近西江青帶瑤簪如八桂

楊濟

雲安龍脊灘

洞庭老龍時出沒萬斛舟航皆辟易此龍脊背已鐵石
肯逐時好作人日我呼邦人來踏磧恍然如見河圖出
大巫雞卜占云吉小巫竹枝歌轉激飄石揚沙障江色
塵埃何處不相襲摩挲石刻聊偃息恐有老人來橫笛

姜特立

李仲永墨梅

寫竹如草書患俗不患清畫梅如相馬以骨不以形墨
君曩有文夫子蟬腹蛇跗具生意當時一派屬蘇公雨
葉風枝略相似花光道人執天機信手掃出孤山姿陳
元幻却西子面此妙俗士那能知近時賞愛楊補之補
之嫵媚不足奇李生於梅却有得高處自與前人敵倒
暈疎花出苦心瞑雲暗谷藏春色我一見之三歎息意
足不暇形摸索君若欲求之點畫胡不去看江頭千樹

白

陳傅良

次德修仙巖韻

我家仙巖人跡稀客從何來此何時岷山之陽適海嶠
萬里欲寫心精微瀑泉自雨一丘壑有龍蟄不隨羣飛
病樵弛擔渴猿喜雖未作霖良已竒吾聞岷山天與齊
仰止不見如調飢君登絕頂小天下此縱有山安足嬉
翩然肯過非所期此道遼闊車誰脂願言稅駕毋遑歸

為我更賦崧高詩

送楊似之提舉湖南薛士昭侍丞赴衡陽守之
翌日而似之吏部至初似之與葉侍郎叔羽顏
祭酒幾聖尚書郎尤延之何一之同在館學今
皆還朝故併及之

昨日有客去分符今朝有客來攬轡
蕨芽掇盡筍可刷送客焉知老將至
儒雅風流能有幾南宮先生無乃是
十年不復夢蓬山萬里何為隔湘水
葉公歸然地官貳

顏公領袖天下士星聯郎署尤與何次第諸公亦連茹
一時臺省舊名德十見班行已三四可令僕馬病崔嵬
獨抱蘭蓀弔憔悴漁樵混迹山窮處故故肯臨人不記
酒半停杯問鬚髮夜闌秉燭徵文字多時渴見痛折節
萬事要看方得意先生行矣扈甘泉請自此心扶大議

張良臣

芳草復芳草

芳草復芳草有人孤倚樓明月復明月何處照離洲相

見渺無期此恨詎相知日暮天寒飛屬玉蠻江豆蔻重
重綠

黃幹

十二日復歸桃枝嶺

大溪章溪溪水清上寮下寮山路平三山屹立相犄角
百里連亘如長城仰干雲霄不盈尺俯視天高浮寸碧
閒雲吞吐溢澗谷飛泉噴灑下石壁中有一山名芙蓉
端冕正色羣山空望之令人起敬悚僧言直與衡嶽同

坡陀突兀作雲洞虎豹蹲踞棲鸞鳳聞道前朝開闢日
曾住浮屠幾千衆我來已作五日行皇天一雨復一晴
穹林杳靄非人世手接羣仙朝玉京曉來更向山前去
忽到山翁棲隱處却憶桃源洞裏人日出煙銷忘舊路

鞏豐

迎暉亭

我來將值日午時千峰照耀碧玻璃集賢村前俯列星
寶林木石呈幽姿人言可比雙徑雄勝處乃在阿堵中

崇岡層嶂屹亭在似約老眼來窺東日出烏鳥飛日入
牛羊下再遊當與夸父期不用山僧遠迎迓

林亦之

九月晦日登烽火山

興來走上烽火山著足不定秋風寒四邊黃茅滑如雨
低頭一看毛髮豎幾年要到紫菜鄉大練小練并東牆
如今一時在眼傍白雲浮水天茫茫酒闌更欲弔虎屋
無端日脚相催促一奴黽髻一跛足逐我山下如野鹿

陳藻

秋雨

梅花五鼓城頭角吹向愁人枕前落一聲心膽碎無餘
三聲兩聲那更作天明起坐壁無鄰簷外垂垂秋雨脚
雨脚強鬢毛弱若為一滴白幾莖縱使赤松猶老却

姚晉卿溪閣

南院觀溪心已清縈紆更上閣中行西橫車馬市橋合
東眺遠山霞霧生日斜沙石淺可數半夜轟雷驅猛雨

農圃嘈嘈春水多誰得身閒延客歌醉後下堦齊拍手
長枝矮樹排花柳主人更要雙眸寬去年拄杖尋長安
一行一處狂呼去日日芳園大如許買地此多直幾金
千屏萬障為牆堵西湖覽畢歸興忙川無大小人徜徉
清風明月淞江有酒廉魚賤輸吾鄉

樓鑰

登育王望海亭

瘦藤拄破山頭雲山蹊盡處開危亭平田萬頃際大海

海無所際空冥冥乾端坤倪悉呈露飛帆去鳥無遺形
蓬萊去人似不遠指點水上三山青褰裳濡足恐未免
儻有飈馭吾當乘是中始覺宇宙大眼力難窮了無礙
雲夢八九不足吞回視塵寰一何隘曾聞芥子納須彌
漫說草庵含法界看我振衣千仞岡笑把毫端捲煙海

寄題台州倅廳雲壑

頃年登臨赤城裏江遶城中萬家市治中寄我雲壑圖
快讀新詩眼如洗回思歲月如星流念念飛空尋舊遊

披圖哦詩想幽致直欲攜筇上山頭聞有於菟在岑蔚
晚徑寒鷗敢翔集幾年榛棘蔽鼪鼯一朝絕境從中出
細路雖非五達莊縈回自覺阻且長萬壑風煙開絕頂
一丘曲折於中藏老砂射日銀星炯梅峽含風襟袖冷
千巖高下各異狀如障如鋒亦如領天景須憑意匠營
山不在高僊則名規撫已定力未暇他時會有滕王亭
風濤隔濶天垂幕安得扣問親剥啄吟詩夢到故山川
睡美不知鐘鼓傳

次韻趙子野石城釣月圖

石城江頭可憐月曾照六朝清夜獵古往今來知幾何
長江滾滾蕭蕭葉謫仙去後詩盟寒王孫詩瘦清藥藥
詩情浩蕩坐無奈扁舟笑把磻溪竿江平風輕波瑟瑟
宿靄捲空天一色東風吹句入長安一卷風流座中得
初得神意清再讀胸次平回頭明月祇如故世上興廢
徒紛更想君一葉方掀舞夜靜水寒誰與語船頭有酒
且孤斟莫向金陵重懷古

題高麗行看子

高麗賈人有以韓幹馬十二匹質於鄉人者題曰
行看子接處黃綾上書韓幹馬表飾以綾尾以精
紙皆麗物也聞其懷金來取因命工臨寫而歸之
再用東坡韻書臨本之後

竹批雙耳風入蹄霜鬣剪作三花齊相隨西去皆良種
撼首勢竄迎風嘶丹青不減陸與顧麗人傳來驛通語
裝為橫軸看且行云是韓幹非虛聲圉人乘馬如乘鶴

人馬相諳同呼吸中有二匹真游龍爬梳迴立綠楊風
賈胡攜金贖此馬亟呼工人臨舊畫我詩無計到三韓
寫向新圖時自看

楊簡

乾道撫琴有作

蕭蕭指下生秋風漸漸幽響颼寒空月明夜氣清入骨
何處仙佩搖丁東野鶴驚起舞流水噎復鳴一唱三歎
意未已幽幽話出太古情龍吟虎嘯遞神怪千山萬壑

風雨晦海濤振蕩林下響亂撒金盤冰雹碎和氣迴春
陽縹緲孤鷺翔三江五湖烟水濶波聲瑟瑟鳴漁榔悲
猿臨澗欲渡不得渡但聞澗下蕭颺松風長閒雲曳碧
落勢去還回薄神仙恍惚無定所微吟似止止所作御
風一笑歸蓬瀛猶有餘音繞寥廓

葉適

送鞏仲同

花溪初逢日苦短橘州重尋意更長天催鵲鷁玉樓去

漱流不並龍洲旁春風忽高行旆起酒盡何如添野水
古來交契看老時與公安得輕別離

高似孫

紀夢

翠峰嵯峨三十六寒泉落空響哀玉斲花石路勢縈紆
玉闌干護修筠綠雪髯老人負紫瓢金絲麈尾搖相招
紅螺酌酒湛湛碧坐倚蒼石吹洞簫孤鶴來傳天上詔
老人挽予偕一到飄飄高舉凌青旻直過罡風履黃道

祥光樓閣倚崢嶸
神虎守關森衛兵
雙闕朱扉忽微啟
中有靈官來遠迎
絳衣持斧立丹陛
玉皇手中玉如意
雲璈風瑟自宮商
天聲清越非人世
帝旁青童傳帝宣
文華宮中呼謫仙
謫仙顧予笑且言
子宜亟返來他年
探懷贈我五色筆
子當寶之慎勿失
濃香氤氲迷帝所
長揖老人下西廡
身從日月上頭行
俯視斗杓分子午
雲氣相隨步武生
過耳但覺松風鳴
覺來握筆紀佳夢
月明樓鼓過三更

裴萬頃

厭原山中曉行

碧雞夜半聲啁哳喚越幽人步林樾
秋高風露著羣木無數寒花泣明月
松篁一徑宛如畫石溜涓涓更清絕
山巔便好結茅廬莫待他年髻成雪

次余主簿仲庸梅韻

春醪欲冰木欲折急雨風吹不成雪
玉妃夜墮廣寒宮開作寒花賽清絕
未須千樹插山巔且要幾枝橫水邊

暗香疎影尚無恙憑誰喚起西湖仙不妨琢句更馳送一洗十年塵土夢鐵心原不為渠回眼底珠璣聊簸弄

劉宰

送王常博歸蜀

東溟之水浩無窮蜀江滾滾來朝宗聖神天子坐法宮
日月所照梯航通君才當代相如雄雲煙落紙聲摩空
西來闡教臨辟雍冠帶濟濟如雲從力排黨論開至公
鳳鳴駭矚朝陽桐太常正徯肅臣工歸舟却泝蜀江風

蜀天萬里車書同不應一士無留中
篙師捩柁毋怱怱趣回有詔紫泥封

題解生山水圖

長江之水西南來江北江南圖畫開
君從何處得此景錦帆似泛長江回
槎牙老樹連荒島兩兩人家出林杪
鷗飛欲下洲渚寬雲橫不斷關山杳
圖窮雙嶼金焦峙仙宮縹緲浮寒水
柁樓捩轉吳波平閭闔中天日月明
代同遊者賦宿雲軒呈李果州

君不見流金鑠石氣如焚巫祝並禱天不聞霂霈一雨
洗乾坤膚寸而合山中雲又不見疾雷破山風助勢八
表同昏天地閉峰頭一抹斂歸雲赫日當空鬼神避祇
今歲杪雪霜餘得向巖前自卷舒等閒且伴幽人宿明
日春回須雨足

劉過

清溪閣次胡仲芳韻

瓊樹枝新梅蕊迸與君攜手清溪問舊來俠客歌舞場

何似詩人風雪逕溪邊傑閣高峻嶒左右華屋連飛甍
依稀王謝鳴珂里彷彿秦箏雲母屏古來繁華各衰歇
只有不磨惟壁月小船何處載愁來哀怨一聲吹笛裂
觀三疊泉

五老峰北嵯峨顛龍泉三疊來自天只因開闢便有此
山雲蔽護經歲年一朝何事失扃鐫樵者得之人共傳
欲往從之人憚遠險溪絕壑窮攀緣初疑雪崩湧天谷
翻若雲奔不巖宿散為風飛颺輕煙垂似銀絲貫珠玉

隨風變態難盡名洞駭遊者心與目清寒侵袂心益爽
清甘熨齒手屢掬我欲攬之作玉虹似開九丈錦屏風
有若插碧金芙蓉笑騎揮斥凌大空窮源直到天河東

汪莘

訪曾侍郎

青天蕩蕩摩青銅紫微將相環西東大鵬一擊九萬里
兩翼不鼓乘長風大鵬飛到天門下天門無不聳觀者
列星退步失光彩九虎低頭若凡馬有鳥決去搶榆枋

望而不見空斷腸青天愈高鵬愈遠豈不有意招八荒
我捨新安來狂歌錢塘市上有無情之吳山下有傷心
之江水春已暮人未歸平生不問鰕魚肥若教買得青
山住飽食筍蕨歌清暉

題新安郡圃駐屐亭

趙恭榮王典郡時創亭名駐屐後其子希遠守徽
一新此亭潘別駕有詩遂賦

先王昔牧紫陽城池邊駐屐荷花生先王今居帝青閣

歲歲荷花自開落華榜高垂四十年銀鈎鐵畫蛟龍纏
公來對之不忍去如見先王在眼前願公子孫滿仙籍
相繼此邦森畫戟願君與國為柱石長使邦人歌駐屐

岳珂

蛩

春蠶繰繭白如霜機婦停機待天涼井蛩一夜秋已至
寸絲千結縈柔腸催租吏囂翁媪怒裘葛未成心轉苦
篝燈促織永夜忙悔殺比隣日長語

劉仙倫

贈曾相士

大曾兩眼如磨銅坐上一顧凡馬空發天機緘被天惡
老死不遇悲塗窮小曾短小眼如鶻冷地看人看入骨
誰云輪扁不傳心獅子坐生獅子窟倒拖拄杖行九州
平生慣識公與侯得錢送家養老母衣袂慘淡行囊羞
我慵百事不入耳休說功名老無味他年相伴竹溪頭
同采芙蓉渡秋水

題惠崇鷺鷥

清霜著木高柳枯驚風獵獵吹寒蘆
蘆根敗蓼色慘淡沙觜無復菰與蒲
風標皎皎四公子來從西雖有閒思
肝腸澡濯秋水清雪衣不受泥土滓
偶得一飽即自如鵬飛萬里何關渠
出離風波岸上立豈只臨淵常羨魚
惠也小景稱獨步那知寫生尤得趣
傍邊謹勿生機心恐即長鳴過溪去

程秘

登紫微崖

富池大信江千里三日醉卧煙篷底曉來推篷登斷岸
因憶牧之呼履齒九華隆隆開天脊微雲低度參差是
百喚牧之如不聞剥脫塵痕見文字今年十月天未霜
木葉留露光蕤蕤興亡風流不可論蒼松怪石還如此
我今與子陟層巔酌酒賦詩云樂只後來誰復如牧之
斜陽歸路芙蓉水

教陶孫

洗竹簡諸公同賦

舍東修竹密如櫛一日洗盡清風來脫巾解帶坐寒碧
置觴露飲始此迴平林遠靄開圖畫西望羣山如過馬
詩翁意落帆影外孤村結廬對瀟洒百年奇事笑談成
向來無此蒼龍聲閒身一笑直錢萬剡粉斲青留姓名
用韻謝竹主人陳元抑

熱中襌襪令我汗日暮佳人期不來陳郎揖人不下榻
青山白雲喚得迴手開十畝蕭郎畫箇裏何妨繫吾馬

食單得涼清可啜
毳褐分陰翠如洒
搖金戛玉真天成
夢搗風前茶臼聲
一川窈窕荷萬柄
野翁得此甘辭名

徐照

分題得漁村晚照

漁師得魚繞溪賣
小船橫繫柴門外
出門老嫗喚雞犬
收斂蓑衣屋頭曬
賣魚得酒又得錢
歸來醉倒地上眠
小兒啾啾問煮米
白鷗飛去蘆花煙

周文璞

晚菊

亭亭砌下黃金花
霜後顏色如矜誇
元英摧挫百卉盡
獨自照耀山人家
湘纍晨餐不論數
千歲高丘恐無女
君不見天寶杜陵翁
晚節嘗為少年侮

葛天民

醉書酒肆

碧牀酒盞香拍浮
吳姬粉醉不識愁
黃金手揮博歌頭
夜半春回楊柳樓

趙汝鎡

飲通幽園

典却身上鷗鷺裘買酒領客尋清遊欲洗胸襟塵萬斛
快上青雲展秋眸晴沙翳天風動地挈壺卷席移通幽
一席鏡淨清可掬千竿玉立塵不留拒霜兩岸花爛漫
紅蓼錯雜爭開秋人生適意未易得癡兒了事何時休
陶寫豈必在絲竹山有鳴禽水游鯈酒酣題蕉競新句
景物辟易困雕琢一梳涼月插空碧樓頭暮角催歸騶

雙桂餘葩尚堪摘便道肯訪勿翦不

劉學箕

新霽和人韻

晚天未霽煙漲霧浮埃蔽空雲擘絮西山遠掛月一眉
澹澹寒輝生綺戶須臾仰視天中央清飈振拂銀河光
人影在地林影散月出皎兮星斗燦

久雨秋懷二首

孤雲野鶴情自在碧水丹山人易安哀鴻獨叫暮天濶

宿鷺雙飛秋雨寒
蔗林遮眼青到市
柏葉漫山紅隔水
不將濁酒急驅除
滿意風光誰料理

漢陰抱甕自其志
彭澤折腰非本心
碧梧委露霜信早
黃菊護籬秋氣深
稻場可羨西疇老
紅釀黃雞醉翁媪
自笑吾儂計太迂
愁滿吟懷詩未了

葉茵

瀟湘八景圖

平沙落雁

江風飄塵白如練征翰遠赴蘆花岸寒霧昏昏漁火明
欲飛不飛行陣亂相從萬里多崎嶇呼鳴警察夜有奴
衡陽路杳速歸去未可容易來江湖

遠浦歸帆

水天冥冥日催暮輕蒲飽風疾飛羽回頭遙指舟前灣
浪急蓬欹下柔櫓稠楊枯桑深處村老妻挾兒還在門
蓴羹香滑茅柴熟對語別時應斷魂

山市晴嵐

巖麓新霽浮紫煙幾家雞犬喧一壆憧憧人得蠅頭利
不了青帘酤酒錢松陰散亂日易暝風光漸入牛羊徑
頰肩赤脚分途歸野唱樵歌動幽聽

江天暮雪

癡雲貼水天四垂寒鴉凍雀無樹棲紛紛萬頃水花亂
光眩銀海迷東西中有輕舠移斷浦玉笠瓊蓑一漁父
鼓枻而歌歌豐年田家有麥無愁苦

洞庭秋月

長波渺渺七百里蒹葭颯颯西風起玉輪轉出琉璃宮
碧落空明無表裏幾峯森列青崔嵬不知人世皆塵埃
夜深絲竹遞清響疑是楚王曾歸來

瀟湘夜雨

雲氣浮江天已夕江樹號風飛雨迫淒涼正則賦懷沙
疑與漁翁分半席一聲欸乃隔中流打篷淅霎添旅愁
土膏動脉曉色媚農將有事于西疇

煙寺晚鐘

冥濛一抹籠崢嶸
崢嶸深處傳鐘聲
溪橫古槎低欲折
隱約前村通去程
萬里征夫不知宿
數盡歸鴉栖古木
輸與中邊三四僧
枯藤挑雲歸佛屋

漁村夕照

家家傍水開柴扉
綠楊影裏沈斜暉
妻炊黃粱子掛網
獨枕莓苔眠釣磯
得魚博錢平生志
世間寵辱不能累
路近桃源多裔孫
安知秦晉興亡事

魏了翁

題謝道韞一犁春雨圖

牀頭夜雨滴到明
村南村北春水生
老婦攜兒出門去
老農赤脚呵牛耕
一雙不借挂木杪
半破夫須衝曉行
耕罷洗泥枕犢鼻
卧看人間蠶觸事

次韻虞果州剛簡泛雪

黃雲黶黶風雪天
欲之灞橋尋浪仙
爐中楫拙熱寒客
縱欲燒愁能得然
撥灰嚼句不忍吐
竟日南望雙眸穿
誰知詩來亦念我
字與六出爭明蠲
美人美人呼不來

昭華吹怨樓西偏
況有山頭月為友
觸撥煙痼撩詩顛
豈無咏絮謝家集
亦有閉戶袁安眠
未知山中之至樂
白玉世界天相連
朝看夜聽兩奇絕
靴霜爐雪知誰賢
褰裳急理剡溪棹
明月已傍羌江邊

七夕南定樓飲同官

誰將明星貼天宇
州國宮垣象官府
更將四七隨天旋
常以昏中殷四序
迢迢河漢衡秋旻
前有蒼龍履玄武
牽牛正向西南來
左右兩旗北河鼓
鼓星之側為天桴

鼓上三星為織女何年人號天女孫便把牛郎擬夫婦
不知此是天關梁河漢之精有常度晦明伏見莫非教
肯為文人給嘲侮班曹庾謝猶讐言世上兒曹更堪數
臨風三誦大東詩須信詞章有今古

真德秀

挹仙亭

漢宮葦篴兒呱呱濟南梓柱陰扶疎富平家人正娛樂
安昌帝師工獻諛子真東南一尉耳黃綬淒涼百僚底

手持短疏叩天閭義激丹衷淚橫背翩然一朝徑拂衣
愛君無路空依依人傳九江已仙去吳門再見是耶非
神仙茫茫那可測上帝從來賞忠直天上果有驂鸞人
合領羣真朝北極自從舉手謝世間千年白鶴何時還
玉簫聲斷杉檜冷祇餘丹竈空留山谷口之孫古膚使
亭劬青冥挹仙袂耿耿應懷貫日忠飄飄豈羨凌雲氣
我來快讀華星篇清徹毛骨風泠然何當結茅最高頂
一榻容我分雲煙

杜範

再次沈節推送春韻

子規泣訴春山頭芳草連天不盡愁
紫陌遊人在何處
空有顰眉人倚樓
溪上悠悠棹木蘭
溪邊落紅紛紛斑斑
嗟哉片片逐流水
新篁忽長千琅玕
多少閒愁推不去
欲問春歸杳何處
少年知己負心期
尊酒從今樂事稀
戴復古

伏龍山民宋正甫湖山清隱乃唐詩人陳陶故

圃曾景建作記俾余賦詩

故人昔住金華峰面帶雙溪秋水容
故人今住伏龍山
陳陶故圃茅三間千載清風徐孺子
門前共此一湖水
百花洲上萬垂楊白鷗羣裏歌滄浪
故人心事孺子高
故人詩句今陳陶短衣飯牛不逢堯
何如繡鞍上著錦
宮袍瓦盆對客酌松醪何如紫霞觴
泛碧葡萄豆萁然
火度寒宵何如玉堂夜照金蓮膏
吟成禿筆寫芭蕉
何如沉香亭北醉揮毫再三問君君
不對目送飛鴻楚天

外細讀山中招隱篇超然意與煙霞會
照影湖邊雙髻皓此計知之悔不早
三椽可辦願卜鄰荷插相隨種瑤草

會稽山中

曉風吹斷花梢雨青山白雲無唾處
嵐光滴翠濕人衣踏碎瓊瑤溪上步
人家遠近屋參差半成圖畫半成詩
若使山中無杜宇登山臨水定忘歸

高九萬見示落星長句賦此答之

天星墮地化為石老佛占作青蓮宮東來海若獻秋水
環以碧波千萬重雲根直下數百丈時吐光燄驚魚龍
鳳凰羣飛擁其後對面廬阜之諸峰陰晴風雨多態度
日日舉目看不同高髯能詩復能畫自說此景難形容
且好收拾藏胸中養成筆力可扛鼎然後一發妙奪造
化工高髯高髯須貌取萬物升沉原有數吾聞此石三
千年復化為星上天去

題申季山所藏李伯時畫邨田樂圖

春秧夏苗秋遂獲官賦私逋都了却雞豚社酒賽豐年
醉唱村歌舞村樂鼓笛有聲無曲譜布衫顛倒傚傚舞
欲識太平真氣象試看此畫有佳趣管絃聲按宮商發
細轉柳腰花十八羅帷繡幕拂春風九醞葡萄金盞滑
王孫公子巧歡娛勿將富貴笑田夫非渠耕稼飽君腹
問有黃金可樂無

盧申之正字得春郊牧養圖有樓攻媿先生題
詩且徵余作

竹弓鳴雁鴨驚飛來別浦無人境春風不搖楊柳影長
頸紛紛占作家半游波面半眠沙或行或立或如舞或
隻或雙或羣聚飲啄浮沉多態度物情閒暇世忘機分
明一片太古時巧偽不作民熙熙

我之居原在野平生慣識牛羊者今見蒲江出此圖半
日不知渠是畫一犍當前轉頭立一犍渡浦毛猶濕中
有一蒼騎以牧犍犍相隨數十足殿後兩牧黃犍腴分
明如活下前坡路轉南山春草多耳根只欠牧兒歌

黃州棲霞樓即景呈謝深道國正

朝來闌檻倚晴空暮來烟雨迷飛鴻白衣蒼狗易改變
澹妝濃抹難形容蘆洲渺渺去無極數點斷山橫遠碧
樊山諸峯立一壁非煙非霧籠秋色須臾黑雲如潑墨
欲雨不雨不可得須臾雲開見落日忽轉一機雲錦出
一態未了一態生愈變愈奇人莫測使君把酒索我詩
索詩不得呼畫師要知作詩如作畫人力豈能窮造化

題上虞縣信芳堂

河陽種桃彭澤柳歲歲春風誇不朽何如君種一池蓮
開向五月六月天紅妝當暑清無汗綠葉染風香不斷
坐令百里盡清涼天乃贈君雲錦段此花不可無此堂
主人姓氏同芬芳更看堂後參差竹醉倚炎空舞寒綠
鄂渚張唐卿周嘉仲送別

武昌江頭人送別楊柳秋來不堪折漢陽門外望南樓
昨日不知今日愁英雄握手新相識人情正好爭南北
酒闌人散正關情一雁西飛楚天碧

詰燕

去年汝來巢我屋梁間
汙泥高一尺啄腥拋穢不汝厭
生長羣雛我護惜家貧惠愛不及人
自謂于汝獨有力
不望汝如靈蛇銜寶珠
雀獻金環來報德
春風期汝一
相顧對語茅簷慰岑寂
如何今年來於我絕踪跡
一貪
簾幕盡堂間便視我廬為棄物

嚴羽

送吳會卿再往淮南

故人身披紫綺裘腰佩寶玦騎驊騮英風俠氣橫四海
辭我遠向淮南遊淮南桂樹應猶在八公舉手遥相待
明月高懸五兩頭隨君千里過淮流十年鞍馬邊城道
又是邊城見春草春草萋萋路入秦長安北望空愁人
荆楚奇才多劍客感慨相逢思報國男兒事業早致身
青鬃須防霜雪迫我向人間久拂衣白雲相伴掩巖扉
調琴鼓罷清商曲愁見孤鴻天際飛

李昂英

送梁伯隆歸丹谷舊隱

秋堂之客自建上
來省攜以偕行

昔人入山訪舊君每恨見山不見人
子持畫圖走跋跋人雖可即山非真
自言谷中萬修筠泉鳴琮琤石嶙峋
誰甘混跡麋鹿羣雅意遠遊濶見聞
飛筇遂過南海瀕翻海一洗征衣塵
東望絕域天無垠藥洲風月蒲澗雲
間出奇語頗自珍奚囊十襲而三熏
槿花猩血荔錦紋何如故圃桃李春
江湖社友杯十分何如族聚情話親
行路之難多酸辛還家火急埋車輪
拂拭磯苔開徑榛

畹蘭籬菊庭古椿贈篇滿篋不療貧幾人煉藥能輕身
本分荷鋤驅犢西疇耘武夷山下擊壤為堯民

三山亭


山中招提鼎足踞路如丁字分頭入遠看港汊紛長繩
俯見阜丘纔小笠班荆坐僕縱之息爭解綠荷撮紅粒
羣然飲澗忽喧噪石兀深叢疑虎立我起胡牀劃孤嘯
前峰響答松風急舉頭雲端尚天半撐竹扳蘿進千級

御選宋詩卷五十三

謹案卷三十三第十五頁前六行蕨芽掇盡筍可
刷刊本筍訛筍今改

第三十七頁前七行得春郊牧養圖按戴復古石
屏集圖下有二本兩字疑此脫





總校官庶吉士臣侍 朝
校對官檢討臣蕭九成
膳錄舉人臣李 駟